

الصيد واليهودي

سجلها : محمدعلي كاظم الباقي

جان ماچان فد صياد يصيد اطيور من البرية ويعيش من وراهن هوه ومرته وفد يوم من الايام طلع الصياد عله عادته ونصب الشبج (١) وطش الطعم حته توچر الطيور ويصيدهه وبذاك اليوم ماصاد غير طير واحد وچانت الطيور ابذاك الوكت تحچي مثل الانسان الطير گال للصياد هسه انتة اذا ذبحتني اشتلگه بيه غير نتفة لحم لكن هدني وانه انطيك العهد واللي ايخون العهد نذل اجيبلك طيور ما چنت سامع بيه ولا شايفهه . الصياد گال ويه نفسه . . خلي اهده واشوف احچايتہ صدگ لو چذب وحتہ اذا جذب اني احسب نفسي اليوم ما صايد . هد الطير ورجع لهله وباتو ذيج الليلة ابغير عشه وماعول الصبح ايصبح . ما علينه الصبح طلع عله عادته ونصب الشبج ابوره اشويه لن صاحبنه الطير اجه اوياه طير ما شافت العين مثله گامن يلگطن بالحب اللي عله الشبج كضهن الصياد هد الطير صاحبه واخذ الثاني وياه لهله وچان ذاك الطير ريشه من ذهب فرح الصياد ومن فرحته راح يركض البيته ركض بشر مرته وراواها الطير گال الها هاج ريشه وديه للصايغ وچان ابذيج الولاية صايغ يهودي وما عدهم ذمه ولا ضمير ومن طبعهم الغدر ولمن شاف الريشة عد مرت الصياد سألها عن قصتها سولفتله القصة انطاها خمس ليرات وراح للملك مال الولاية وسولفله القصة الملك دز ابوره الصياد وگاله انطيني الطير الصدته وانه اشگد اتريد انطيك المهم اخذ من الملك افلوس اهوايه وانطاه الطير اليهودي من شاف الصياد اخذ هالگد فلوس حسده وگال لازم اخلي ما يتمهل بالفلوس طلع الصياد من الملك وظل اليهودي گال اليهودي للملك يا حضرة الملك لو هذا الصياد ايجيب النثية

ونحطهن ابقفص من ذهب چا شكد يصير منظرهن حلو دز الملك ابوره
الصيد وگاله ارید اتجيب النثيه مال هذه الطير وانه شترید انطيك
واذا ما تجيب النثيه منه لعشر تيام أخذ راسك الصيد كال للملك
يا سيدي انه صياد والله رزقني ابهذه الطير امنين اگدر اجيب النثيه
گاله الملك انه ما اعرف اذا ما جبتهن بهالعشر تيام انه اخذ راسك طلع
الصيد من الملك ينتف بشعر لحيته ويلطم على راسه من
هاي المصيبة وظل الصيد ثمن تيام ما يطلع من باب الحوش
تاليها گالتله مرته يابه انه ليش ما تطلع المكانك الاولي بلجن يجيك
الطير صاحبك وتحچيله الحچاية بلچي يگدر ايسوبلك چاره صدگ
الصيد ماچذب خبر اخذ الشبچ ماله وطلع للبريه ابوره اشويه ولن
صاحبه الطير اجه گاله الصيد - بليتني الله يلاك گاله الطير خير
شأجك سولفله القصة گاله الطير هاي ابسط شي تريده . باچسر
مثل هيچ وكت الطير احسبه يمك صدگ صبح الصبح طلع الصيد
للبريه ونصب الشبچ ابوره اشويه ولن صاحبه الطير اجه وياه طير
يشبه الطير الصاده گامن يلگطن بالحب الداير مداير الشبچ ولن وصلن
للحب الفوگ الشبچ كضهن الصيد وهد الطير صاحبه وتشكر منه
واخذ النثيه وراح للملك انطاهاياه وانطاه الملك فلوس اكثر من
الاول . لمن شاف اليهودي الفلوس الاخذهن الصيد انقهر لكن ما يگدر
يچي رجع الصيد لهله وگام يصرف من الفلوس اللي انطاهاياه الملك .

وفد يوم من الايام چان الصيد گاعد ابنته ولن شرطة الملك
ايدكون ابابه لمن شافهم اصفر لونه گالوله امشي ويانه الملك ايريدك
بسرعة وصل يم الملك سلم على الملك گاله الملك يا صياد اريدن منك
تگضيلى هاي الحاجه واذا ما تگضيه اخذ راسك لن مرتي اذا ما تحصل
حليب سبع مشيول على ظهر سبع تعمه عينها وانه انطيك مهله عشرتيام
راد الصيد عالچ گاله ما اگدر گاله الملك ماكو اذا ما تجيبه بهالعشر
تيام انه اخذ راسك من الملك ولن وصل البيت گام يلطم على راسه
وينتف ابشعر لحيته وسولف المرته السالفه گالتله اصبر ويگول المثل
(من الباب للکاسر فرج) ظل الصيد لا ياكل ولا يشرب تاليه گالتله
مرته انه اليمته اتضل ابهيچ حاله وراح تگضي المهله اللي انطاهاياه

الملك ليش ما تروح لصاحبك الطير وتسولفله السالفه بلچن يگدر عليها
ما عليه صبح الصبح غبش الصياد وراح المكانه المعتاد ولن صاحبه
الطير اجه گاله الصياد بليتنى الله يبلاك سألته الطير عن قصته
حچاليهاه من الاول للتالي گاله الطير هاي بسيطة لچن ما تگدر
اتجيب الدوه اذ تخاف گاله اشلون علمني بالطريقه وانه اتوكل على الله
وامشي گاله تروح للغابه الفلانيه هسه اشوف اسد چير يعرج ابعشيه
راح يگعد جوه في شجيره ابوره اشويه اينام من اشوف اينام انته
تجيه من وراه بسكوت وتشوف عرج ماله صريم نابت ابرجله
اتجره من رجله ابقوه وترجع المچانك الاولي هسه ايگول اوف كون
اكنشه اللي سوه بيه هالعمل چنت اسويه لگمه وحده انته ابقه
خاتل ابچانك ابوره شويه اتفوخ رجله هسه ايگول اوف كون
اشوفه الطيب رجلي چا شيريد مني افضيلهاه من تسمعه هيچي
ايگول اطلع من مچانك واحچيله السالفه هسه يگضيه الك صدگ
صاحبنه الصياد راح للغابه الكاله عليه الطير ولگه السبع سوه مثل
ما گاله الطير وسولف حچايته للسبع وگاله امروتك يبو خميس اريدك
تگضياها لان اذا ما گضيتها الملك ياخذ راسي ما عليه السبع گام وجاب
الحليب من مرته ودر بوره سبع من اسباعه لان هوه ملك السباع اجه
الصياد راكب عالسبع وشايل الحليب عليه ظهر السبع لمن وصل
للولايه وشافوه شردو اهل الولاية ومن شافه الملك تعجب المهم انظاهم
الدوه ورجع السبع للغابه وطابت مرت الملك وانطه الملك للصياد
فلوس ما تنعد ولا تنحسب ولن شاف اليهادي الفلوس الحصله
الصياد گال ابگلبه لازم ادبر دسيسه واموته لهذه الصياد رجع الصياد
لهله وهو فرحان وعاش وياهم باحسن عيشه .

وفد يوم من الايام گال ذاك اليهودي للملك اكو فد خزنه بالمچان
الفلاني لکن اكو فوگها صخرة ما يحلحها الف رجال ولو تدز بوره
الصياد چان يکدر اشوفله صوره حال وتحصل على الفلوس البيها
وتصير ازگن ملك بالدنيا الملك گال لليهودي وانته بيش اطلبه
الهدا المگروود يومية ذبه ابهيه ما عليه گول اليهودي قنع
الملك دز على الصياد وحچاله الحچايه وگاله اذا ما تجيبه ابوره ثلاثين

يوم اخذ راسك راد الصياد من الملك ان يعفيه من هاي المهمة لچن
الملك گاله لازم اتجيبها . الصياد رجع لهله ايدك عله راسه وبوره
اشچم يوم گال ليش ما اروح للطير صاحبي بلچن يگدر ايسويلى
چاره صدگ من الصبح غبش المكانه الاولي ولن الطير جاي سولقله
السالفه گاله الطير انتة محد ايدبك ابهيچ بلاوي غير اليهودي لچن
راح اخلصك منه اتروح للملك اتكله اني اگدر اجيبك الخزنة بس
بشرط نذبح اليهودي عله الصخرة اللي فوگها واذا ما نذبح اليهودي
ما نكدر نحصل الخزنة .

صدگ صاحبه الصياد راح للملك وچاله الحچاية دزو بوره
اليهودي واخذوه مكليچ وذبحوه عله ذيج الصخرة اتفست
الصخرة وطلعت الهم الباب مال الخزنة وطلعوا منها فلوس هواي وفرح
الملك وخله الصياد وزيره الايمن وتعيشون وتسلمون .

